


商子

一三

三〇	二五	漢
兩	四〇	書
四	二	架冊號類

內閣文庫	
番號	漢 2540
冊數	2 (1)
函號	300 14



書齋

內閣

刻商子序

四庫全書

商子刻

成或疑刑名家言

淺草文庫

此豈學者先務也乎。余對曰。夫以德惠下。以仁澤民者。王者之治也。以政率下。以威督民者。霸者之治也。以法御下。以刑名者。之治也。故曰。王者之

商子

序

民隸也。霸者之民驩虞如。刑名者之
民纍纍如。以刑名顯世者曰商鞅。曰申
不害。曰韓非。三子皆大畧同術。申不害
用韓之小國。而能終其身治彊。韓非徒
託之空言。竟陷李斯毒手。獨商鞅說秦
孝公。以強國之術。言聽謀用。卒定變法。


國富兵強。東并河西。北收上郡。周室歸
籍。四方來賀。秦遂以強。六世而并諸候。
此皆商鞅之謀也。抑夫三代王者之道。
不塞崩壞。至鞅變法。竭矣。雖秦能誅鞅。
而不改其法。至始皇并天下。益以法御
下。以刑。民故至二世。竟失天下矣。而

其遺也。餘烈流毒千載。後世人主欲仿
王者之治。致民俗皞皞者。爲不眇矣。而
拘於國制。泥於民俗。不可復三代之治。
致皞皞之俗。則刑名功利之說。擾之也。
國制官典。政法民俗。悉出於其中。以此
治世化民。安得皞皞驩虞之風乎哉。故

申商刑名之書。不可不讀。講明其書。則
知刑名之實。知刑名之實。則知霸者之
所尚。知霸者之所尚。則知王者之所遵。
知王者之所遵。則夫迂遠濶事情者。乃
復三代之治。致皞皞之俗。道斯可得。
而古之或唯唯。於是乎書爲叙言云。

明和元年戊辰夏五月

平安 芥煥彦章 撰



商子目錄

卷一

更法第一

墾令第二

農戰第三

去強第四

卷二

說民第五

守地第六

商子

目錄

卷三
刑第七

卷三

壹言第八

錯法第九

戰法第十

立本第十一

兵守第十二

斬令第十三

脩權第十四

卷四

來民第十五

刑約第十六 篇七

賞刑第十七

畫策第十八

卷五

境內第十九

弔民第二十

終二十一 篇七

六內第二十二

君臣第二十三

禁使第二十四

慎法第二十五

定分第二十六

商子目錄終

商子卷第一

秦 衛人公孫鞅著

明 新安程 榮校

更法第一

楊誠卷曰
叙商鞅變
法備載任
臣論難與
趙武靈王
變胡服同
一書法

孝公平晝，公孫鞅甘龍杜摯三大夫御於君，慮世事之變，討正法之本，使民之道。君曰：代立不忘社稷，君之道也；錯法務民主，長臣之行也。今吾欲變法以治，更禮以教百姓，恐天下之議我也。公孫鞅曰：臣聞之，疑行無成，疑事無功。君亟定變法之慮，殆無顧天下

之義也。且夫有高人之行者，必見非於世，有獨知之慮者，因見毀於民語。○曰：愚者暗於成事，智者見於未萌，民不可與慮始，可與樂成功。郭偃之法曰：論至德者不和於俗，成大功者不謀於衆。○所以愛民也。禮者所以便事也，是以聖人苟可以強國，不法其故，苟可以利民，不循於禮。孝曰：善。甘龍曰：不然。臣聞之：聖人不易民而教，智者不變法而治，因民而教者，不勞而功成；據法而治者，吏習而民安。今若變法不循秦國之故，更禮以教民，臣恐天下之議君，願

抑尺拘儒
如疾風之
捲秋葉是
快千古

折甘龍以
非今

利不百語
正開門而
揖之矣

折杜摯以
崇古

孰察之。公孫鞅曰：子之所言，世俗之言也。夫常人安於故習，學者溺於所聞，此兩者所以居官而守法，非所與論於法之外。三代不同道，而王；五霸不同法，而霸。故知者作法，而愚者制焉。賢更禮而不肖者拘焉。拘禮之人不足與言事，制法之人不足與論變。君無疑矣。杜摯曰：臣聞之，利不百不變法，功不十不易器。臣聞法古無過，循禮無邪。君其圖之。公孫鞅曰：前世不同教，何古之法？帝王不相復，何禮之循？伏羲神農，身而不誅；黃帝堯舜，誅而不怒。及至文武，各當寺

而之法，凶事而制禮，禮法以時而定，制令各順其宜，兵甲器備各使其用，臣故曰：治世不一道，便國不必古。湯武之王也不循古而興，商夏之滅也不易禮而亡。然則反古者未可必非，循禮者未足可必是也。君無疑矣。孝公曰：善。吾聞窮巷多怪，曲學多辯，愚者笑之，智者哀焉。狂夫之樂，賢者喪焉。以議寡人不之疑矣。於是遂出墾草令。

且結且生
蛛絲鳥跡

墾令第二

無宿治，則邪官不及為私利於民，而百官之情不相

整開二十
段錯綜變

化繁為簡
文靡不備
妙

稽則農有餘日，邪官不及為私利於民，則農不救，農不救而有餘日，則草必墾矣。訾粟而稅，則上一而民平。上一則信，信則臣不敢為邪，民平則慎，慎則難變。上信而官不敢為邪，民慎而難變。不非上中不苦官，下不非上中不苦官，則壯民疾，農不變，壯民疾農不變，則少民學之不休，少民學之不休，則草必墾矣。無以外權爵任與官，則民不貴學問，又不賤農民，不貴學則愚，愚則無外交，無外交則勉農而不偷，民不賤農則國安，不殆國安不殆，勉農而不偷，則草

必墾矣。禮厚而稅多，食口衆者，敗農者也。則以其食口之數，賤而重使之，則辟淫游食之民，無所於食，民無所於食，則必農。農則草必墾矣。使商無得糴，農無得糴，農無得糴，則窳惰之農，勉疾商不得糴，則多歲不加樂，多歲不加樂，則饑歲無裕利，無裕利，則商怯。商怯，則欲農。窳惰之農，勉疾商，農則草必墾矣。聲服無通於百縣，則民行作不顧，休居不聽。休居不聽，則氣不淫，行作不顧，則意必一意，一而氣不淫，則草必墾矣。無得取庸，則大夫家長不見繕，愛子不惰，食

惰民不窳，而庸民無所於食，是必農。大夫家長不見繕，則農事不傷，愛子惰民不窳，則故田不荒，農事不傷，農民益農，則草必墾矣。廢逆旅，則姦爲躁，心私交，疑農之民不行，逆旅之民無以，即必農。農則草必墾矣。豈山澤則惡農，慢惰倍欲之民，無所於食，無所於食，則必農。農則草必墾矣。貴酒肉之價，重其租，令十倍其樸，然則商估少，農不能喜酣，爽大臣不爲荒飽，商估少，則上不費粟，民不能喜酣，爽則農不慢，大臣不荒，則國事不稽，主無過舉，上不費粟，民不慢，農

此段更古

則草必墾矣。重刑而連其罪，則褊急之民不鬪，狼剛之民不訟，怠惰之民不游，費資之民不作，巧諛惡心之民無變也。五民者不生於境內，則草必墾矣。使民無得擅從，則誅愚亂農，農民無所於食，而必農，愚心躁欲立民一意，則農民必靜，農靜誅愚，則草必墾矣。均出餘子之使令，以世使之，又高其解舍，令有甬官食漿，不可以辟役，而大官未可必得也，則餘子不游，事人則必農，農則草必墾矣。國之大臣、諸大夫、博聞辯慧、游居之事，皆無得爲，無得居游於百縣，則農民

無所聞變，見方農民無所聞變，見方則知農無從離其故事，而愚農不知，不好學問，愚農不知，不好學問，則務疾農，知農不離其故事，則草必墾矣。令軍市無有女子，而命其商令人自拾甲兵，使視軍興，又使軍市無得私輸糧者，則姦謀無所於伏盜輸糧者，不私稽輕惰之民，不游軍市，盜糧者無所售送糧者，不私輕惰之民，不游軍市，則農民不淫，國粟不勞，則草必墾矣。百縣之治一形，則從迂者不敢更其制，過而廢者不能匿其舉，過舉不匿，則官無邪人，迂者不飾代

者不更則官屬少而民不勞官無邪則民不敖民不
 敖則業不敗官屬少徵不煩民不勞則農多日農多
 日徵不煩業不敗則草必墾矣重關市之賦則農
 惡商商有疑惰之心農惡商商疑惰則草必墾矣以
 商之口數使商令之斯興徒重者必當名則農逸而
 商勞農逸則良田不荒商勞則去商喪寡之禮無通
 於百縣則農民不饑行不飾農民不饑行不飾則公
 作必疾而私作不荒則農事必勝農事必勝則草
 必墾矣今送糧無取徭無得反庸車牛興設設必常

為姦不勉
則

名然則往速來疾則業不敗農業不敗農則草必墾
 矣無得為罪人請於吏而饟食之則姦民無主姦民
 無主則為姦不勉為姦不勉則姦民○無樸姦民無
 樸則農民不敗農民不敗則草必墾矣

農戰第三

質莫之味
長言不竭
真經國紆
謨也

凡人主之所以勸民者官爵也國之所以興者農戰
 也今民求官爵皆不以農戰而以巧言虛道此謂勞
 民勞民者其國必無力無力者其國必削善為國家
 者其教民也皆作壹而得官爵是故不官無爵國云

言則民樸民樸則不淫民見上利之從壹空出也則
 作壹作壹則民不偷營民不偷營則多力多力則國
 強今境內之民皆可農戰可避而官爵可得也是故
 豪傑皆可變業務學詩書隨從外權上可以得顯下
 可以求官爵要靡事商賈為技藝皆以避農戰具備
 國之危也民以此為教者其國必削善為國者倉廩
 雖滿不偷於農國大民衆不淫於言則民樸壹民樸
 壹則官爵不可巧而取也不可巧取則姦不生姦不
 生則主不惑今境內之民及處官爵者見朝廷之可

一及情事
 囉然

以巧言辯說取官爵也故官爵不可得而常也是故
 進則曲主退則慮私所以實其私然則下賣權矣夫
 曲主慮私非國利也而為之者以其爵祿也下賣權
 非忠臣也而為之者以末貨也然則下官之冀遷者
 皆曰多貨則上官可得而欲也曰我不以貨事上而
 求遷者則如以狸餌鼠爾必不冀矣若以情事上而
 求遷者則如引諸絕繩而求乘枉木也愈不冀之矣
 二者不可以得遷則我焉得無下動眾取貨以重上
 而以求遷乎百姓曰我疾農先實公倉收餘以食親

爲上忘生而戰以尊主安國也。倉虛主卑家貧然則不如索官親戚交遊合則更慮矣。豪傑務學詩書隨從外權要靡事商賈爲技藝皆以避農戰。民以此爲教則粟焉得無少而兵焉得無弱也。善爲國者官法明故不任智慮上作壹故民不榮則國力博國力博者強國好言談者削故曰農戰之民千人而有詩書辯慧者一人焉千人者皆怠於農戰矣農戰之民百人而有技藝一人焉百人者皆怠於農戰矣國待農戰而安主待農戰而尊夫民之不農戰也上好言而

官失之也常官則國治一務則國富國富而治王之
道也故曰王道作外身作壹而已矣今上論材能知
慧而任之則知慧之人希主好惡使官制物以適主
心是以官無常國亂而不一辯說之人而無法也如
此則民務焉得無多而地焉得無荒詩書禮樂善修
仁廉辯慧國有十者上無使守戰國以十者治敵至
必削不至必貧國去此十者敵不敢至雖至必却與
兵而伐必取按兵不伐必富國好力者以難攻以難
攻者必興好辯者以易攻以易攻者必危故聖人明

快論可以
奪座

君者非盡能其萬物也。知萬物之要也。及其治國也。察要而已矣。今為國者多無要。朝廷之言治也。必務相易也。是以其君憚於說。其官亂於言。其民情而不農。故其境內之民皆化而好辯。樂學事商賈。為技藝。避農戰。如此則不遠矣。國有事則學民惡。汰商民。等化技藝之民不用。故上國易破也。夫農者寡而者衆。故其國貧危。今夫蛆螻蚋蠅。春生秋死。一而民數年不食。今一人耕而百人食之。此其為蛆螻蚋蠅亦大矣。雖有詩書鄉一束。家一員。獨無益於

至國言者
可為
以見其才

治也。非所以反之術也。故先王反之於農戰。故曰百不農。一人居者王。十人農。一人居者強。半農半居者弱。夫治國者欲民之累也。國不農則與諸侯爭權不能自持也。則眾力不足也。以諸侯撓其弱。乘其衰。大地侵削而不振。則無及已。聖人知治國之要。故令民歸心於農。歸心於農則民樸而可正也。紛紛則勿使也。信可以守戰。一則小詐而重居。一則可以賞罰進也。一則可以外用也。夫民之親上死制也。以甘慕從事於農。夫民之不可用也。見言談游士事君之可

以尊身商賈之可以富家也。技藝之足以平口也。民見此三者之便且利也，則必避農戰，則民輕其居，則必不爲上守戰也。凡治國者，患民之散而不可搏也，是以聖人作壹搏之也。國作一歲者十歲強，作一十歲者百歲強，修一百歲者千歲強，千歲強者千歲強，其教有所常而政有成。王者待治民之至要，故不待賞賜而民親上，不待爵祿而民從事，不待刑罰而民致死。國危主憂，說者成伍無益於安危也。夫國危主憂也者，強敵大國也。

人君不能服強敵，破大國也。則修守備，使地形搏民力，以待外事，然後患可以去，而王可致也。是以明君修政作壹，去無用，止浮學，事淫民壹之農，然後國家可。而民力可搏也。凡此皆憂其國之危而兵之弱也。而強聽說者，說者成伍，煩言飾辭，而章無用，主好其辯，不求其實，說者得意，道路曲辯，輩輩成。民見其可以取王公大人也，而皆學之。夫人聚黨與說議於國，紛紛焉。小民樂之，大人說之，故其見也。而游食者衆，衆則農者殆，農者殆則土地荒，學者成。

庸一作崇

俗則民舍農從事於談說高言偽議舍農游食而以
言相高也故民離上而不臣者成羣此貧國之
教也夫國庸民以言則民不畜於農故惟明君知好
言之不可以強兵闢土也惟聖人之治國作事
於農而已矣

去強第四

以強去強者弱以弱去強者強國為善姦必多國富
而貧治曰重富重富者強國貧而富治曰重貧重貧
者弱兵行敵所不敢行強事興敵所羞為利主貴多

變國貴少變國多物削主少物強千乘之國守千物
日削戰事兵用日強戰亂兵息而國削農商官三者
國之常官也官者生蠹官者六曰歲曰食曰玩好
曰志曰行○○○六者有幾必削三官之樸三人六
官之樸一人以治法者強以治政者削常官法去遷
官治大國小治小國大強之重削弱之重強夫以強
攻強者亡以弱攻弱者王國強而不戰毒輸於內禮
樂蠹官生必削國遂戰毒輸於敵國無禮樂必
強舉榮任功曰強蠹官生必削農少商多賁人貧商

貧農貧三官貧必削國有禮有樂有詩有書有善有
修有孝有悌有廉有辯國有十者上無使戰必削至
二國無十者上有使戰必興至王國以善民治姦民
者必亂至削國以姦民治善民者必治至強國○
國用詩書禮樂孝悌善修治者敵至必削國不至必
貧國不用八者治敵不敢至雖至必却興兵而伐必
取必能有之故兵而不攻必富國好力日以難攻好
○言日以易攻國以難攻者一得十國以易攻者
出十二百重罰輕賞則上愛民民死
輕罰則

上不愛民民不死上與國行罰民利且罰行賞○○
民利且愛行刑重其輕者輕其重者輕者不生重者
不來國無力而行知巧者必亡怯民使以刑必勇勇
民使以賞則死怯民勇勇民死國無敵者強強必王
貧者使以刑則富富者使以賞則貧治國能富者貧
令貧者富則國多力多力者王王者刑九賞一強國
刑七賞三削國刑五賞五國作一歲十歲強作一十
歲百歲強作一百歲千歲強千歲強者王威以一取
十以聲取實故能為威者王能生不能殺曰自攻之

脫以字

脫刑字

日疑字

國必削能生能殺曰攻敵之國必強故攻官攻力樂
 國用其二舍一必強令用三者威必王十
 弱九里斷者國強以日治者王○夜治者強宿治者
 削舉口數生者著死民者削民衆從不逃粟野無荒
 革以刑去刑國治以刑致刑國亂曰不刑重輕刑去
 強重重○輕輕刑至事生國削刑生力力生
 強強生威威生惠惠生於一舉日以成勇戰戰以成
 粟生而金死而粟本物賤事者衆買者少農而
 效勸其兵弱國必削至亡金一兩生於境內金一兩

上疑士字

死於境外國好生金於境內則金粟兩死倉府兩虛
 國好生粟於境內則金粟兩生倉府兩實強國之十
 三數境內倉口之數壯男壯女之數老弱之數官上
 之數以言說取食者之數利民之數馬牛芻藁之數
 欲強國不知國十三數地雖利民雖衆國愈弱至削
 國無怨民曰強國與兵而伐則武爵武任必勝按兵
 而農粟爵粟任則國富兵起而勝敵按兵而國富者
 王

Blank columns for text on the right page.

商子卷第二

秦 衛人公孫鞅著

明 新安程 榮校

說民第五

齊慧亂之贊也禮樂淫泆之徵也慈仁過之母也任譽姦之鼠也亂有贊則行淫泆有徵則用過有母則生姦有鼠則不止八者有羣民勝其政國無八者政勝其民民勝其政國弱政勝其民兵強故國有八者上無以使守戰必削至亡國無八者上君以使守戰

必與至王用善則民親其親任姦則民親其制合而復者善也別而規者姦也章善則過匿任姦則罪誅過匿則民勝法罪誅則法勝民民勝法國亂法勝民兵強故曰以良民治必亂至削以姦民治必治至強以難攻起一取十國以易攻起十亡百國好力曰文國好言曰以易攻民易為言難為用國法作民之所易而以力攻者起一得十國法作民之所易兵用民之所難而以言攻者出十二百罰重爵尊賞輕刑威爵尊上愛民刑度民死上故

重者之無行字

與國行罰則民利用賞則上重法詳則刑繁法繁則刑省民治則亂亂而治之又亂故治之於其治則治治之於其亂則亂民之情也治其事也亂故行刑重其輕者輕者不生則重者無從至矣此謂治之於其治也行刑重其重者輕其輕者輕者不止則重者無從至矣此謂治之於其亂也故重輕即刑去事成國強重重而輕輕則刑至而事生國削民勇則賞之以其所欲民怯而殺之以其所惡故怯民使之以刑則勇勇民使之以賞則死怯民勇民死國敵者必

王民貧則弱國富則淫淫則有蟲有蟲則弱故貧者
盜之以刑則富富者損之以賞則貧治國之舉賞令
貧者富富者貧貧者富國強富者貧三官無蟲國又
強而無蟲者必王刑生力力生強強生威威生德德
生於刑故刑多則賞重賞少則刑重民之有欲有惡
也欲有六淫惡有四難從六淫國弱行四難兵強故
刑於九則六淫止賞出則
四難行六淫止則國無姦四難行則兵無敵民之所
欲萬而利之所出一民非一政無以致欲故作一作

一則力搏力搏則強強而用重強故能生力能殺力
曰攻敵之必強塞私道以窮其志啓一門以致其
欲使民
而不用則志窮
不能殺力曰自攻之國必削故曰
不積粟國不蓄力下用也家不積粟上藏也國治斷
家王斷官強斷君弱重輕刑去常官則治省刑要葆
賞不可倍也有姦必告之則民斷於心上令而民知
所以應器成於家而行於官則事斷於家故王者刑

賞斷於民心器用決於家治明則同治闇則異同則
 行異則止行則治止則亂治則家斷亂則君斷治國
 者貴下斷故以十里斷者赫以五里斷者強家斷則
 有餘故日治者王宮斷則不足故○夜治者強君斷
 則亂故宿治者○故有道之國治不聽君民不從官

筭地第

凡世主患用兵者○治草萊者不度地故有
 地狹而民衆者民勝其地地廣而民少者地勝其民
 民勝其地務開地勝其民者事來開則行倍民過地

叙置亦幻
 轉連風神
 敬仲不能
 獨擅其微

則國功寡而兵力少地過民則山澤財物不爲用○
 兼天物遂民淫者世主之務過也而上下事之故
 下衆而財地大而力小故爲國任地者山林居什
 一藪澤居什一○谷流水居什一都邑蹊道居什四
 此先王之正律也故爲國分田數小畝五百足待一
 役此地不任也方土百里出戰卒萬人者數小也此
 其墾田足以食其民都邑遂路足以處其民山林藪
 澤谿谷足以供其利藪澤隄防足以畜故兵出糧給
 而財有餘兵休民作而畜長足此所謂任地待役之

律也。今世主有地方數千里，食不足以待，役實倉而
 兵為鄰敵，臣故為世主患之。夫地大而不墾者，與無
 地者同；民眾而不用者，與無民者同。故為國之數，務
 在墾草用兵之道。不在一。私利塞於外，則民務屬
 於敵。私利禁於下，則民力搏
 勞而窮。窮則生知，而權利易力，則輕死而樂用。權
 則畏罰而易苦，易苦則地力盡，樂用則兵力盡。夫
 治國者能盡地力，而致民死者，私利並至，民之性

饑而求食，勞而求佚，苦則索樂，辱則求榮。此百姓之
 心。民之求利，失禮之法。求名失性之常。奚以論其
 盜賊上犯，上之所禁，而下失臣民之禮。
 故名辱而身危，不止者利也。上世之士，衣不煖
 膚，食不滿腸，苦難忘，意勞其四肢，傷其五臟，而益裕
 廣耳，非生之常也。而為之者名也。故曰：名利之所奏
 則民道之主操，名利者柄，而能致功名者數也。聖人
 審權以操柄，審數以使民。數者臣主之術，而國之要
 也。故萬乘失數而不危，臣主失術而不亂者，未之有

也。今世主欲辟地治民而不審數，臣欲盡其事而不立術，故國有不服之民，主有不令之臣。故聖人之爲國也，入令民以屬農，出令民以計戰。夫農民之所苦而戰民之所危也，犯其所苦，行其所危者，計也。故民生則計利，死則慮名，利之所出不可不審也，利出於地則民盡力，名於戰則民致死。入使民盡力則草不荒，出使民致死則勝敵，勝敵草不荒，富強之功可坐而致也。今則不然，世主之所以加務者，皆非國之急也，身有堯舜之行而功不及，湯武之略此執柄

之罪也。臣請語其過。夫治國舍數而任說說，則身修而功寡。故事詩書談說之士，則民游而輕其君，事處士則民遠而非其上，事勇士則民競而輕其禁，技藝之民用則民剽而易徙，商賈之事佚且利，則民緣而議其上。故五民者，加於國用則田荒而兵弱，談說之士資在於口，處士資在於意，勇士資在於氣，技藝之士資在於手，商賈之士資在於身。故天子一宅而環身資，民資重於身而偏託勢於外，挾重資歸偏家，堯舜之所難也。故湯武禁之，則功立而名成，聖人非能

以世之所易勝其所難也必以其所難勝其所易故
 民愚則智可以勝之世智則力可以勝之臣愚則易
 力而難巧世巧則易智而難力故神農教耕而王天
 下師其智也湯武致強而征諸侯服其力也今世巧
 而民淫方倣湯武之時而行神農之事以隨世禁故
 千乘式亂○此其所加務者過也民之生度而取長
 稱兵取重權而索利明君慎觀三之則國治可立而
 民能可得國之所以求民者少而民之所以避求者
 入使民屬於農出使民一於戰故聖人之治也多

每以一句
 撥轉紛而
 愈整

夫刑已下
 至末一本
 無之

禁以止能任力以窮詐兩者偏用則境內之民一
 則農農則樸樸則安其居而惡出故聖人之為國也
 民資藏於地而偏托危於外資於地則樸托危於外
 則惑民入則樸則惑故其農勉而戰戰也民之農
 勉則資重戰戰則鄰危資重則不可負而逃鄰危則
 不歸於無資歸危外托狂夫之所不為也故聖人之
 為國也觀俗立法則治察國事本則宜不觀時俗不
 察國本故其法立而民亂事劇而功寡此臣之所謂
 過也夫刑者所以奪禁邪也而賞者所以助禁也羞

辱勞苦之者民之所惡也顯榮佚樂者民之所務也故其國刑不可惡而爵祿不足務也此亡國之兆也刑人復漏則小人辟淫而不苦刑則微倖於民上徼於上以利求顯榮之門不一則君子事勢以成名小人不避其禁故刑煩君子不設其刑罰行刑煩而罰行者國多姦欲富者不能守其財而貧者不能事其業田荒而國貧田荒則民詐生國貧則上置賞故天地設而民生當此之時也聖人之為治也刑人無國位戮人無官任刑人有列則君子下其位衣錦

食肉則小人冀其利君子下其位則虛功小人冀其利則伐姦故刑戮者所以止姦也而官爵者所以勸功也今國立爵而民羞之設刑而民樂之此蓋法術之患也故君子操權一正以立術立官賞爵以稱臣論榮舉功以任之者則是上下之稱平則臣得盡其力而主得執其柄

開塞第七

天地設而民生之當此之時也民知其母而不知其父其道親親而愛私親親則別愛私則險民生衆而

窮本知變直盡天地之情游時豪傑胸中自有成竹其少孫儒

心跡揣摩
術工耳然
儒者亦曰
禮樂刑政
四達不悖
則王道備
名法二字
抹倒公孫
不得
此篇從起
如山鳴谷
應風起水
湧

以別險為務則有亂當此時也民務勝而力征務勝
則爭力征則訟訟而無正則莫得其性也故賢者立
中設無私而民曰仁當此時也親親廢上賢立矣凡
仁者以愛利為務而賢者以相出為道民衆而無制
久而相出為道則有亂故聖人承之作爲土地貨財
之分分定而無制不可故立禁禁立而莫之可
不故立官官設而莫之一不可故立君既立其君
則上賢廢而貴貴立矣然則上世親親而愛私中世
上賢而說仁下世貴貴而尊官上賢者以羸相出也

中正之正當作世

而立君者使賢無用也親親者以私為道也而中正
者使私無行也此三者非事相反也民道弊而所重
易也世事變而行道異也故曰王者有繩先王道一
端文臣道亦一端所道則異而所繩則一也故曰民
愚則智可以王世智則力可以王民愚則力有餘而
智不足世智則巧有餘而力不足民之生不智則學
力盡而服故神農教耕而王天下師其知也湯武致
強而征諸侯服其力也夫民愚不懷智而問世智無
餘力而服故以愛王天下者并刑力征諸侯者退德

聖人不法古不修今法古則後於時修今則塞於勢
周不法商夏不法虞三代異勢而皆可以正故興王
有道而持之異理武王逆取而貴順爭天下而上讓
其取之以力持之以義今世強國事無并弱國務力
守上不及虞夏之時而下不修湯武塞故萬乘
莫不戰千乘莫不守此道之塞久矣而世主莫之能
廢也故三代不四非明主莫有能聽也今日願啓之
以效古之民樸以厚今時民以偽故效於古者先
得而防治於今者前刑而法此俗之所惑也今世之

所謂義者將立民之所好而廢其所惡此其所謂不
義者將立民之所惡而廢其所樂也二者名實實易
不可不察也立民之所樂則民傷其所惡立民之所
惡則民安其所樂何以知其然也夫民憂則思思則
出度樂則淫淫則主佚故以刑治則民威民威則無
姦無姦則民安其所樂以義教則民縱民縱則亂亂
則民傷其所惡吾所謂利者義之本也而世所謂義
者暴之道也夫正民者以其所惡必終其所好以其
所好必敗其所惡治國刑多而賞少○○○故王者

刑九而賞一。削國賞九而刑一。夫過有厚薄，則刑有輕重。善有小大，則賞有多少。此二者世之常用也。刑加於罪所終，則姦不去。賞施於民上，義則過不止。刑不能去姦，而賞不能止過者，必亂。故王者刑用於將，過則大邪不生，賞施於告姦，則細過不失。治民能使大邪不生，細過不失，則國治。國治必強，一國行之，境內獨治。二國行之，兵則少寢。天下行之，至德復立。此吾以殺刑之反於德，而義合於暴也。古者民繁生而羣處，故求有上也。將以為治也，今有生而無法，其

害與無生同。有法不勝，其亂與不法同。天下不安，無君而樂勝。其法則舉世以為惑也。夫利天下之民者，莫大於治。而治莫康於立君。立君之道，莫廣於勝法。勝法之務，莫急於去姦。去姦之本，莫深於嚴刑。故王者以賞禁，以刑勸。求過○○○○不求善，藉刑以去刑。

[Faint traces of text]									

寛政戊午

